

三才圖會

三才圖會

雲間先明父王思義續集

身體四卷

七表八裏圖

七表寸部脉圖

七表關部脉圖

七表尺部脉圖

八裏寸部脉圖

八裏關部脉圖

八裏尺部脉圖

五臟脉證病圖

五臟上脉圖

五臟七神圖

五臟上關九竅圖

五臟代脉期死圖

五臟絕死圖

臟腑形狀圖

臟腑各司圖

臟五腑六圖

腑五臟六圖

臟腑病異圖

腑臟病根不同圖

七傳間傳圖

臟腑病難易治圖

臟積腑聚圖

腑臟之積圖

五臟輪至數之圖

別知臟腑病圖

五腑不同圖

臟腑并榮圖

并始之圖

并榮配合圖

出并入合圖

刺榮衛之圖

經脉迎隨圖

刺井瀉榮圖

因時而刺之圖

九道脉圖

脉息度數圖

發明耳聞臭鼻圖

不食飲七日死圖

七衝門之圖

八會之圖

寤寐相反之圖

七表八裏之圖

七表		八裏	
浮	屬金	微	屬土
弦	屬木	遲	屬土
沉	屬水	伏	屬木
洪	屬火	濡	屬水
滑	屬水	緩	屬土
實	屬火	澀	屬金
七表脈屬陽八裏脈屬陰也			

浮花滑實弦緊洪七表還應是本宗

此七樣脈皆屬乎陽盡係表脈故曰是本

也宗

微沉緩滯遲并伏濡弱相兼八裏同

此八樣脈皆屬乎陰盡係裏脈故曰八裏


也同

七表寸部脉圖




凡此七變或
虛或實或補
或瀉皆治在
上焦此寸脉
主上部法天
主膈已上至
頭之有疾也

七表關部脉圖




凡此七變或
虛或實或補
或瀉皆治在
中焦此關脉
主中部法人
主胃已下至
臍之有疾也

七表尺部脉圖



凡此七變或
虛或實或補
或瀉皆治在
下焦此尺脉
主下部法地
主臍已下至
足之有疾也

八裏寸部脉圖



凡此八者
或虛或實
或補或瀉
皆治在上
焦乃上部
之八法也

八裏關部脉圖



凡此八者
或虛或實
或補或瀉
皆治在中
焦乃中部
之八法也

八裏尺部脉圖



凡此八者
或虛或實
或補或瀉
皆治在下
焦乃下部
之八法也

七表八裏脉總論

七表者浮芤滑實弦緊洪也八裏者微沉緩濇遲伏濡弱也七表陽也八裏陰也表脉多見於左而容隨土變裏脉多見於右而主隨客變左手三部所主溫風寒也溫風寒病得於外右手三部所主燥濕暑也燥濕暑病生於內此脉法之大槩及其互相變見或表脉見之於右或裏脉見之於左或陰陽更相乘或陰陽更相伏或一脉爲十變脉理精微非一言可盡然其要不越乎陰陽五行而已表脉有七裏脉有八共十五脉也五行分

之各得三脉三五一十五也浮瀦弱屬金弦緊伏屬木
滑沉濡屬水芤實洪屬火微緩遲屬土每三部俱有輕
重之分至於五行當更相平一有不平病即見焉或曰
謂內傷則善矣謂外感莫或之當耶殊不知天地之間
六氣依於五運人身即小天地外邪所感莫不從其類
而見焉假令外感風溫則木火有餘而土金不足水不
能制乎火矣外感乃外邪所感致五行不平也內傷乃
五內自傷五行自不能平也先明金水木火土之理次
察虛實賊微正之邪更復辯其部分之浮中沉而又當

詳審乎主脉客脉之相合何爲主弦洪濇緩沉是也何
爲客本部不應得之脉皆客也能如是然後內傷外感
主客標本之病是者是非者非夫何差錯之有

五藏脉證病圖

外 證 得 內 證

肝 脉 面赤 目赤

筋轉難伸 按之牢若痛 氣動

其病四肢滿閉 洩便難轉筋

心 脉 面赤 口乾

按之牢若痛 氣動

其病煩心 心中熱而腕

脾 脉 面黃 唇乾

按之牢若痛 氣動

其病腹脹 滿不食 體重 痛所重

肺 脉 面白 惡寒

按之牢若痛 氣動

其病喘咳 洒淅惡寒

腎 脉 面黑 無光

按之牢若痛 氣動


其病逆氣 小腹急 泄痛 如下 尻尻寒 逆而送

十六難曰脉有三部九候有陰陽有輕重有六十首一脉
變爲四時離聖久遠各自是其法何以別之然是其病有
內外證其病爲之奈何然假令得肝脉其外證善潔面青
善怒其內證臍左有動氣按之牢若痛其病四肢滿閉淋
洩便難轉筋有是者肝也無是者非也假令得心脉其外
證面赤口乾喜笑其內證臍上有動氣按之牢若痛其病
煩心心痛掌中熱而腕有是者心也無是者非也假令脾
脉其外證面黃善噫善思善味其內證當臍上有動氣按
之牢若痛其病腹脹滿食不消體重節痛怠惰嗜臥四肢

不收有是者脾也無是者非也假令得肺脉其外證面白
善嚏悲愁不樂欲哭其內證臍右有動氣按之牢若痛其
病喘咳洒淅寒熱有是者肺也無是者非也假令得腎脉
其外證面黑善恐欠其內證臍下有動氣按之牢若痛其
病逆氣小腹急痛泄如下重足脛寒而逆有是者腎也無
是者非也

十一難曰經言脉不滿五十動而一止一藏無氣者何藏也然人吸者隨陰入呼者因陽出今吸不能至腎至肝而還故知一藏無氣者腎氣先盡也


五藏七神圖



五藏各有
聲色臭味
之圖已具
十三難故
不重立止
立七神圖

三十四難曰五藏各有聲色臭味皆可曉知以不然十變
言肝色青其臭臊其味酸其聲呼其液泣心色赤其臭焦
其味苦其聲言其液汗脾色黃其臭香其味甘其聲歌其
液涎肺色白其臭腥其味辛其聲哭其液涕腎色黑其臭
腐其味鹹其聲呻其液唾是五藏聲色臭味也五藏有七
神各何所主耶然藏者人之神氣所舍藏也故肝藏魂肺
藏魄心藏神脾藏意與智腎藏精與志也

五藏上開九竅圖



九竅者目二
 舌一口一鼻
 孔二耳二喉
 一是也三焦
 雖不係五藏
 之列其原起
 於腎間而出
 入五藏者也

三十七難曰五藏之氣於何發起通於何許可曉以不然
五藏者當上關於九竅也故肺氣通於鼻鼻和則知香臭
矣肝氣通於目目和則知黑白矣脾氣通於口口和則知
穀味矣心氣通於舌舌和則知五味矣腎氣通於耳耳和
則知五音矣三焦之氣通於喉喉和則聲鳴矣五藏不和
則九竅不通六府不和則留結爲聚邪在六府則陽脉不
和陽脉不和則氣留之氣留之則陽脉盛矣邪在五藏則
陰脉不和陰脉不和則血留之血留之則陰脉盛矣陰氣
太盛則陽氣不得相受故曰格陽太盛則陰氣不得相榮


也故曰關陰陽俱盛不得相榮也故曰關格關格不得盡
其命而死矣經言氣獨行於五藏不榮於六府者何也然
夫氣之行如水之流不得息也故陰脉榮於五藏陽脉榮
於六府如環無端莫知其紀終而復始而不覆溢人氣內
溫於藏府外濡於腠理

夫當作人

五臟代脉期死之圖

四	十	一	止	四	年	殂
三 五 六 七 八 九 十 十一 十二 十三 十四 十五 十六 十七 十八 十九 二十	三 五 六 七 八 九 十 十一 十二 十三 十四 十五 十六 十七 十八 十九 二十	一 二 三 四 五 六 七 八 九 十 十一 十二 十三 十四 十五 十六 十七 十八 十九 二十	肺 心 脾 肝 肺 心 脾 肝 肺 心 脾 肝 肺 心 脾 肝 肺 心 脾 肝	三 五 六 七 八 九 十 十一 十二 十三 十四 十五 十六 十七 十八 十九 二十	三 五 六 七 八 九 十 十一 十二 十三 十四 十五 十六 十七 十八 十九 二十	三 五 六 七 八 九 十 十一 十二 十三 十四 十五 十六 十七 十八 十九 二十

五臟絕死之圖



五臟察色歌

肝臟歌

面腫蒼黑舌卷青四肢乏力眼如盲泣下不止是肝絕八

日應當命必傾

青肝之色也舌卷青者子見母色也四肢乏力者筋不能維持也肝不能含血榮目

則眼如盲津液外泄則泣出不止凡此數者皆肝絕所致金能尅木故死于金壬之日八日從甲日數至辛日也經曰足厥陰氣絕則筋縮引卵與舌卷厥陰者肝脉也肝者筋之合也筋者聚于陰氣而絡于舌本故脉不榮則筋縮急筋縮急即引卵與舌卷卯縮此筋先死庚日篤辛日死

心臟歌

面顰肩息直視看又兼掌腫沒文班狂言亂語身悶熱一

日之內到冥間

驚黃黑色也掌腫無文心氣絕也

少陰氣絕則脉不通脉不通則血不流血不流則色澤去故面色黑如蠶此血先死壬日篤癸日死

脾臟歌

臍跌腫滿面浮黃泄痢不覺汚衣裳肌肉羸澁兼唇反一

日十二內災殃

臍神闕也跌足肘上也浮黃黃腫也經曰足太陰氣絕則脉不榮其日唇口唇者肌

肉之本也脉不榮則肌肉不滑澤肌肉不滑澤則肉滿肉滿則唇反唇反則肉先死甲日篤乙日死

肺臟歌

口鼻氣出不復迴唇反無文黑似煤皮毛焦乾爪枯折途

程三日定知災

氣出不復迴有呼無吸也唇反土不能生金也黑似煤金不能生水也氣不流通則

皮毛焦乾魂魄不連則爪甲枯折從甲至丙三日也丙屬火火尅金故死在三日經曰手太陰氣絕卽皮毛焦太陰者肺也行氣溫于皮毛者也氣弗營則皮毛焦皮毛焦則津液去津液去則皮枯毛折毛折者則毛先死丙日篤丁日死

腎臟歌


面黑齒痛目如盲自汗如水腰折頰皮肉濡結髮無澤四

日應當命不存

面黑面如垢也目如盲瞳人反背也自汗如水火獨炎也腰乃腎之腑腎敗則腰似

折不能榮于骨髓而骨肉不相親濡肉而却不能為五液之主故髮不潤澤從甲至戊越四日也戊屬土土尅水故命不存經曰足少陰氣絕卽骨枯少陰者冬脉也伏行溫于骨髓故骨髓不溫卽肌肉不著骨骨肉不相親卽濡而却肉濡而却故齒長而枯髮無潤澤是骨先死戊日篤己日死

藏府形狀之圖



四十二難曰人腸胃長短受水穀多少各幾何然胃大一尺五寸徑長二尺六寸橫屈受水穀三斗五升其中常留穀二斗水一斗五升小腸大二寸半徑八分分之少半長三丈二尺受穀二斗四升水六升三合合之大半迴腸大四寸徑一寸半長二丈一尺受穀一斗水七升半廣腸大八寸徑二寸半長二尺八寸受穀九升三合八分合之一故腸胃凡長五丈八尺四寸合受水穀八斗七升六合八分合之一此腸胃長短受水穀之數也肝重四斤四兩左三葉右四葉凡七葉主藏魂心重十二兩中有七孔三毛

盛精汁三合主藏神脾重二斤三兩扁廣三寸長五寸有散半斤主裹血溫五藏主藏意肺重三斤三兩六葉兩耳凡八葉主藏魄腎有兩枚重一斤二兩主藏志膽在肝之短葉間重三兩三銖盛精汁三合胃重二斤十四兩紆曲屈伸長二尺六寸大一尺五寸徑五寸容穀二斗水一斗五升小腸重二斤十四兩長三丈二尺廣二寸半徑八分分之少半左迴疊積十六曲容穀二斗四升水六升三合合之大半大腸重二斤十二兩長二丈一尺廣四寸徑一寸當臍右迴疊積十六曲盛穀一斗水七升半膀胱重九

兩二銖縱廣九寸盛溺九升九合口廣二寸半唇至齒長
九分齒已後至會厭深三寸半大容五合舌重十兩長七
寸廣二寸半咽門重十兩廣二寸半至胃長一尺六寸喉
嚨重十二兩廣二寸長一尺二寸九節肛門重十二兩大
八寸徑二寸大半長二尺八寸受穀九升三合八分合之

一

臟腑各司之圖



大腸共肺為傳送

大腸者肺之腑乃傳送之官傳送不潔之物而變化出焉其傳道也必待氣往

下行肺主氣故共為傳送也經曰陽明之上燥氣治之中見太陰

心與小腸為氣盛

心者火之屬也火主時令則萬物皆盛而受盛精神心屬火火能化物精粕受已復化傳入大腸故云心與小腸受盛經曰少陰之上火氣治之中見太陽

脾胃相通五穀消

脾胃者脾之氣常欲通和胃為戊之官製古曰脾胃之氣常欲通和胃為戊之官製古曰

于天其氣純脾為已其化濕象于地故下熱而上濕其氣相通則五穀腐熟而自消矣如濕多而熱少則成五泄熱

多而濕少則多食而飢虛名曰消中皆脾胃之疾也經曰太陰之上濕氣治之中見陽明

膀胱腎合為津慶

膀胱者腎之腑乃州都之官制液藏焉腎主五液故膀胱與腎為津慶經曰太

陽之上寒氣治之中見少陰

三焦無狀空有名寄在胸中膈相應

三焦者上中下之三焦也上焦在下心下

膈胃上口主內而不出中焦在胃中脘不上不下主腐熟水穀下焦在臍下膀胱上口主分別清濁出而不下內是三焦也主持諸氣徒有上中下之名而無其形其經屬手之少陽而為外腑叔和于本文上下俱言一臟一腑至于三焦而不言其臟腑心君火也三焦亦相火也二者為之表裏俱有名而無形故三焦寄位于胸中與膈相應何為與膈相應命門亦係相火居于臍下心包在膈上命門在膈下膈上膈下三焦俱不相失而相應故臍下一寸半為之氣海而臍中亦為氣海焉經曰少陽之上熱氣治之中見厥陰

肝膽同為津液腑能通眼目為清靜

肝者肝之腑肝臟血膽者肝之精氣藉肝之餘

氣溢入于膽積聚而成故同為津液之腑目者肝之竅肝氣通于目故云能通眼目內藏無穢物以襍故云清靜因其內藏清靜外觀所以得明也經曰厥陰之上風氣治之中見少陽

藏五府六之圖



三十八難曰藏雖有五府獨有六者何也然所以府有六者謂三焦也有原氣之別焉主持諸氣有名而無形其經屬少陽此外府也故言府有六焉

府五藏六之圖



藏府病異圖

欲得寒

欲得溫

府

病

也陽

藏

病


也陰

欲見人

不欲見人

五十一難曰病有欲得溫者有欲得寒者有欲見人者有不欲見人者而各不同病在何藏府也然病欲得寒而欲見人者病在府也病欲得溫而不欲見人者病在藏也何以言之府者陽也陽病欲得寒又欲見人藏者陰也陰病欲得溫又欲閉戶獨處惡聞人聲故以別知藏府之病也


府藏病根不同圖



五十二難曰府藏發病根本等不然不等也其不等奈何
然藏病者止而不移其病不離其處府病者彷彿賁嚕上
下行流居處無常故以此知藏府根本不同也

七傳問之圖

內七傳相尅者死



外間傳相生者生

五十三難曰經言七傳者死間藏者生何謂也然七傳者傳其所勝也間藏者傳其子也何以言之假令心病傳肺肺傳肝肝傳脾脾傳腎腎傳心一藏不再傷故言七傳者死也間藏者傳其所生也假令心病傳脾脾傳肺肺傳腎腎傳肝肝傳心是子母相傳周而復始如環無端故言生也

藏府病難易治圖

易

治



相

生

難

治



相

尅


五十四難曰藏病難治府病易治何謂也然藏所以難治者傳其所勝也府病易治者傳其子也與七傳間藏同法也

藏積府聚圖



五十五難曰病有積有聚何以別之然積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五藏所生聚者六腑所成積者陰氣也其發有常處其痛不離其部上下有所終始左右有所窮處聚者陽氣也其始發無根本上下有所留止其痛無常處謂之聚故以是別知積聚也

府藏之積圖



五十六難曰五藏之積各有名乎以何月何日得之然肝之積名曰肥氣在左脇下如覆杯有頭足久不愈令人發咳逆瘕瘕連歲不已以季夏戊巳日得之何以言之肺病傳肝肝當傳脾脾季夏適王王者不受邪所復欲還肺肺不肯受故留結爲積故知肥氣以季夏戊巳日得之心之積名曰伏梁起臍上大如臂上至心下久不愈令人病煩心以秋庚辛日得之何以言之腎傳心心當傳肺肺秋適王王者不受邪心復欲還腎腎不肯受故留結爲積故知伏梁以秋庚辛日得之脾之積名曰痞氣在胃脘覆大如

盤久不愈令人四肢不收發黃疸飲食不爲肌膚以冬壬
癸日得之何以言之肝病傳脾脾當傳腎腎以適王王者
不受脾復以還肝肝不肯受故留結爲積故知痞氣以壬
癸日得之肺之積名曰息責在右脇下覆大如杯久不已
令人洒淅寒熱喘咳癸肺壅以春甲乙日得之何以言之
心病傳肺肺當傳肝肝以春適王王者不受邪肺復欲還
心心不肯受故留結爲積故知息責以春甲乙日得之腎
之積名曰責脉癸於少腹上至心下若脉狀或上或下無
時久不已令人喘逆骨痠少氣以夏丙丁日得之何以言

之脾病傳腎腎當傳心心以夏適王王者不受邪腎復欲
還脾脾不肯受故留結爲積故知責脉以夏而丁日得之
此是五積之要法也

五臟輪至數之圖



診雜病生死候歌

五十不止身無病數內有止皆知定

止即代也經曰人一呼脉再動一吸脉再

動呼吸定息脉五動也五動者一肺二心三脾四肝五腎也一息脉五動則遍周五臟矣一之十乃天地生成之數十息五臟循環十次五十動而不見止脉是五藏皆和何病之有數內五十之數內也皆知定盡可定其該死年分時月也

四十一止一臟絕却後四年多沒命三十一止即三年二

十一止二年應十五一止一年知已下有止看暴病

五十

則凡少十動則絕一臟其臟絕之法悉依天地成五行之數先從腎而後至脾也暴病卒暴病也說見下文

別知藏府病圖



九難曰何以別知臟腑之病然數者府也遲者藏也數則爲熱遲則爲寒諸陽爲熱諸陰爲寒故以別知藏府之病也


五府不同圖



三十五難曰五藏各有所府皆相近而心肺獨去大腸小腸遠者何謂也經言心榮肺衛通行陽氣故居在上大腸小腸傳陰氣而下故居在下所以相去而遠也又諸府者皆陽也清淨之處今大腸小腸胃與膀胱皆受不淨其意何也然諸府者謂是非也經言小腸者受盛之府也大腸者傳瀉行道之府也膽者清淨之府也胃者水穀之府也膀胱津液之府也一府猶無兩名故知非也小腸者心之府大腸者肺之府胃者脾之府膽者肝之府膀胱者腎之府小腸謂赤腸大腸謂曰腸膽者謂青腸胃者謂黃腸膀胱


肱者謂黑腸下焦所治也

藏府井榮之圖



六十二難曰藏并榮有五府獨有六者何謂也然府者陽也三焦行於諸陽故置一腑名曰原所以府有六者亦與三焦共一氣也

井始之圖



六十三難曰十變言五藏六府榮合皆以井爲始者何謂也然井者東方春也萬物之始生諸鼓行喘息蛭飛蠕動當生之物莫不以春生故歲數始於春月數始於甲故以井爲始也


井榮配合之圖



陰井配陽井
 陰榮配陽榮
 陰膺配陽膺
 陰經配陽經
 陰合配陽合
 陽剛陰柔配
 合各從其類

六十四難曰十變又言陰井木陽井金陰榮火陽榮水陰
腧土陽腧木陰經金陽經火陰合水陽合土陰陽皆不同
其意何也然是剛柔之事也陰井乙木陽井庚金陽井庚
者乙之剛也陰井乙乙者庚之柔也乙爲木故言陰井木
也庚爲金故言陽井金也餘皆倣此

出井入合之圖



六十五難曰經古所出爲井所入爲合其法柰何然所出爲井井者東方春也萬物始生故言所出爲井所入爲合合者北方冬也陽氣入藏故言所入爲合也

刺榮衛之圖

鍼	內	乃	散	氣
	刺	榮	傷	
	榮	無	無	
	無	傷	衛	
	衛	刺	傷	
肝	鍼	而	刺	之

七十一難曰經言刺榮無傷衛刺衛無傷榮何謂也然鍼陽者臥鍼而刺之刺陰者先以左手攝按所鍼榮腧之處氣散乃內鍼是謂刺榮無傷衛刺衛無傷榮也

經脉迎隨之圖

手足三陽經

隨病在陰

在陽而用

針以謂之

手足三陰經

頭

主

針頭往逆刺謂迎

針頭往下順刺謂隨

針頭往逆刺謂迎

走

針頭往逆刺謂迎

針頭往逆刺謂迎

足

胃

主

針頭往逆刺謂迎

針頭往下順刺謂隨

針頭往逆刺謂迎

走

針頭往逆刺謂迎

手

七十二難曰經言能知迎隨之氣可令調之調氣之方必在陰陽何謂也然所謂迎隨者知榮衛之流行經脉之往來也隨其逆順而取之故曰迎隨調氣之方必在陰陽者知其内外表裏隨其陰陽而調之故曰調氣之方必在乎陰陽


刺井瀉榮之圖



補者不
可為瀉
瀉者不
可為補

七十三難曰諸井者肌肉淺薄氣少不足使也刺之奈何
然諸井者木也榮者火也火者木之子當刺者以榮瀉之
故經云補者不可以爲瀉瀉者不可以爲補此之謂也

因時而刺之圖



七十四難曰經言春刺井夏刺榮季夏刺俞秋刺經冬刺合者何也然春刺井者邪在肝夏刺榮者邪在心季夏刺俞者邪在脾秋刺經者邪在肺冬刺合者邪在腎其肝心脾肺腎而繫於春夏秋冬者何也然五藏一病輒有五也假令肝病色青者肝也臊嗅者肝也喜酸者肝也喜呼者肝也喜泣者肝也其病衆多不可盡言也四時有數而並繫於春夏秋冬者也針之要妙在於秋毫者也

九道脉之圖

雲岐子曰九道脉者從天地九數之理說也經曰善言天者必有應於人是以天有九星地有九州人有九脉亦有九野故立九道脉以應天地陰陽之法也以長爲乾清陽發腠理以短爲坤濁陰歸六府以虛爲離心中驚則血棄以促爲坎脉進則死退則生以結爲兌發在臍傍以代爲中土主上中下三元正氣以牢爲震前後有水火相乘之氣以動爲艮主血山衰以細爲巽主秋金有餘此九道脉以應九宮九藏之法也

脉息度数之圖



血管氣衛定息數一萬三千五百通

人受氣於穀穀入寸胃乃傳之手五臟六

腑皆受于氣其清者為榮濁者為衛榮行脈中衛行脈外榮衛周流不息五十而後大會陰陽相貫如環之無端故血為榮氣為衛凡人所以得全其性命氣與血也氣為陽為衛血為陰為榮二氣常流所以無病也經曰人一日一脈行三寸一吸脈行三寸呼吸定息脈行六寸人一日一夜凡一萬三千五百息脈行五十度周身漏水下百刻榮衛行陽二十五度行陰亦二十五度為一周也故五十度復會於手太陰寸口者五臟六腑之所終始也

發明耳聞鼻臭之圖



此圖言五行
旋而屬陽者也
陰則以培胎之
位爲受氣之位
而右旋也土則
寄主四季於辰
戌丑未之月各
王二十八日萬物
所知所能皆在
長生之時不在
臨官帝王之位


四十難曰經言肝主色心主臭脾主味肺主聲腎主液鼻者肺之候而反知香臭耳者腎之候而反聞聲其意何也然肺者西方金也金生於巳巳者南方火火者心心主臭故令鼻知香臭腎者北方水也水生於申申者西方金金者肺肺主聲故令耳聞聲

不食七日死圖



四十三難曰人不食飲七日而死者何也然人胃中常存留穀二斗水一斗五升故平人日再至園一行二升半日中五升七日五七三斗五升而水穀盡矣故平人不食飲七日而死者水穀津液俱盡即死矣

七衝門之圖



四十四難曰七衝門何在然唇爲飛門齒爲戶門會厭爲
吸門胃爲賁門太倉下口爲幽門大腸小腸會爲闌門下
極爲魄門故曰七衝門也

八會之圖

穴法已
腑會
太倉

脉會
太淵

氣會
三焦

臟會
季脇


筋會
陽陵泉

骨會
大杼

見註中

血會
膈俞

髓會
絕骨



四十五難曰經言八會者何也然腑會太倉臟會季脇筋
會陽陵泉髓會絕骨血會膈俞骨會大杼脉會太淵氣會
三焦外一筋直兩乳內也熱病在內者取其會之氣穴也

寤寐相反之圖



四十六難曰老人臥而不寐少壯寐而不寤者何也然經
言少壯者血氣盛肌肉滑氣道通榮衛之行不失於常故
晝日精夜不寤老人血氣衰肌肉不滑榮衛之道滯故晝
日不能精夜不寐也故知老人不得寐也